

儒林傳第五十八

漢書八十八

漢

護

軍

班

固

撰

唐議奏行秘書監琅邪縣開國子顏

師古

集註

古之儒者博學夙六藝之文

師古曰六藝謂易禮樂詩書春秋

秋六學者王教之典籍先聖所以明天道

正人倫致至治之成法也周道既衰壞於

幽厲禮樂征伐自諸侯出陵夷二百餘年

而孔子興

師古曰陵夷言漸續替○宋祁曰注文續替字下疑有也字

以聖

德遭季世知言之不用而道不行廼歎曰

鳳鳥不至河不出圖吾已矣夫師古曰論語載孔子之言

也鳳鳥河圖皆王者之瑞自傷有德而無位故云已矣文王既没文不在

茲乎師古曰言文王久已没矣文章之事豈不在此乎蓋自謂也亦見論語於是應

聘諸侯以答禮行誼師古曰答禮謂有問禮者則為應答而申明之。劉

奉出曰答禮者迎之西入周南至楚畏匡乞陳

師古曰匡邑名即陳留匡城縣孔子貌類陽貨陽貨嘗有怨於匡匡人見孔子以為陽貨也故圍而欲害之後

得免耳乞陳謂在陳絕糧也奸七十餘君師古曰奸音干適齊聞韶

三月不知肉味師古曰美舜樂之善也自衛反魯然後

樂正雅頌各得其所師古曰自衛反魯謂哀十一年也是時道衰樂廢孔

子還修正之故雅頌各得其所究觀古今之篇籍廼稱曰大

哉堯之為君也唯天為大唯堯則之師古曰言堯所

行皆法天。宋祁曰注末天字下少也字巍巍乎其有成功也煥乎

其有文章也師古曰巍巍者高兒煥明也又曰周監於二

世郁郁乎文哉吾從周師古曰言周追視夏殷之制而損益之故禮文

大備也郁郁文章盛貌自此以上孔子之言皆見論語。劉攽曰世改代於是叙書則

斷堯典師古曰謂尚書起自堯典也稱樂則法韶舞師古曰論

語云顏回問為邦子曰行夏之時乘殷之輅服周之冕樂則韶舞放鄭聲韶舜樂也孔子歎其盡善盡美故欲用論詩則首周南師古曰以關雎為始也綴周之禮因

魯春秋舉十二公行事繩之以文武之道

成一王法師古曰繩謂治正之至獲麟而止蓋晚而好

易讀之韋編三絕而為之傳師古曰編所以聯次簡也言愛

玩之甚故編簡之韋為之三絕也皆因近聖之事

臣立先王之教呂音以宋祁曰音以當刪故曰述而不作

儒林傳序

信而好古下學而上達知我者其天乎師古

曰皆論語載孔子之言也作者之謂聖述者之謂明故孔子自謙言我但述者耳下學上達謂下學人事上達

天命也行不違天仲尼既没七十子之徒散

遊諸侯師古曰七十子謂弟子者七十七人也稱七十者但言其成數也。宋祁曰注文弟

子字下疑有達字大者為卿相師傅小者友教士大

夫或隱而不見故子張居陳師古曰子張澹

臺子羽居楚師古曰子羽姓澹臺名滅明澹音徒甘反子夏居西

河師古曰子夏姓卜名商子貢終於齊師古曰子貢姓端木名賜。宋祁曰

大司文

頁蕭該本作贛淳化本景本作子貢
刊誤改作贛又云子貢當為子夏
如田子方段

千木吳起師古曰子方以下皆魏人滑蹇之屬皆受業於子夏之

倫為王者師也滑音于按反蹇音離是時獨魏

文侯好學天下並爭於戰國儒術既黜焉

然齊魯之間學者猶弗廢至於威宣之際

孟子孫卿之列咸遵夫子之業而潤色之

呂學顯於當世鄧展曰威宣齊二王及至秦始皇兼天

下燔詩書殺術士師古曰燔焚也今新豐縣温湯

儒林傳序

有馬谷谷之西岸有阮古老相傳以為秦阮儒處也衛
宏詔定古文官書序云秦既焚書患苦天下不從所改
更法而諸生到者拜為郎前後七百人廼密令冬種瓜
於驪山阮谷中温處瓜實成詔博士諸生說之人人不
同乃命就視之為伏機諸生賢儒皆至焉方相難不決
因發機從上填之以土皆壓終乃無聲此則閔儒之地
其不謬矣音扶元反燔
六學從此缺矣陳涉之王也魯

諸儒持孔氏禮器往歸之於是孔甲為涉

博士卒與俱死師古曰孔光傳云鮒為陳涉博士

甲也。宋祁曰注未也字當作乎字陳涉起匹夫師古曰鮒為陳涉博士歐適戍呂立號

不滿歲而滅亡其事至微淺

同適讀曰謫

然而搢紳先生負禮器往委質為臣者何也。呂秦禁其業，積怨而發憤於陳王也。及高皇帝誅項籍，引兵圍魯，魯中諸儒尚講習禮、弦、歌之音，不絕。豈非聖人遺化好學之國哉？於是諸儒始得修其經學，講習大射、鄉飲之禮。叔孫通作漢禮儀，因為奉常。諸弟子共定者，咸為選首。然後喟然興於學。

師古曰喟然歎息貌音丘位反

然尚有干戈平定四海

師古曰

儒林傳序

曰言陳豨、盧綰、韓信、黥布之徒相攻反叛征伐也

亦未皇庠序之事也

師古曰皇暇也

孝惠高后時，公卿皆武力功臣，孝

文時頗登用

師古曰言少用文學之士

然孝文本好刑名

之言，及至孝景，不任儒，竇太后又好黃老

術，故諸博士具官待問，未有進者

師古曰具官謂備員

而漢興，言易自淄川田生，言書自濟南伏

生，言詩於魯則申培，公於齊則轅固，生

師古

曰培固者其人名，公生者其號也，它皆類此，培音陪。韋昭曰培公之名也。

燕則韓大

大司公三

五

五

五

傳師古曰名嬰也言禮則魯高堂生言春秋於齊則

胡母生於趙則董仲舒及竇太后崩武安

君田蚡為丞相黜黃老刑名百家之言延

文學儒者以百數而公孫弘以治春秋為

丞相封侯天下學士靡然鄉風矣師古曰鄉讀曰嚮

弘為學官悼道之鬱滯廼請白丞相御史

言師古曰自此以下皆弘奏請之辭。宋祁曰景德本無悼字刊誤據史記作悼道据南本作以道制

曰蓋聞導民以禮風之以樂師古曰風化也婚姻者

儒林傳序

居室之大倫也師古曰倫理也今禮廢樂崩朕甚愍

焉故詳延天下方聞之士咸登諸朝師古曰詳悉也

方道也有道及博聞之士也。宋祁曰延字刊誤據史館本添入其令禮官勸學

講議洽聞舉遺興禮以為天下先師古曰舉遺謂經典

遺逸者求而舉之太常議予博士弟子崇鄉里之化

以厲賢材焉師古曰厲勸勉之也一曰砥厲也自此以上弘所引詔文謹與太

常臧博士平等議師古曰臧孔臧也曰聞三代之道

鄉里有教夏曰校殷曰庠周曰序師古曰教效也言可

大司馬

卷五

七

效道也其勸善也顯之朝廷其懲惡也加之

刑罰故教化之行也建首善自京師始繇

內及外師古曰繇音由由從也今陛下昭至德開大明

配天地本人倫勸學興禮崇化厲賢以風

四方太平之原也師古曰風化也。宋祁曰姚本改厲賢作屬賢古者政

教未洽不備其禮請因舊官而興焉為博

士官置弟子五十人復其身師古曰復音方目反太常

擇民年十八以上儀狀端正者補博士弟

儒林傳序

子郡國縣官有好文學敬長上肅政教順

鄉里出入不悖師古曰悖乖也音布內反所聞令相長丞

上屬所二千石師古曰聞謂聞其部屬有此人也令縣令相侯相長縣長丞縣丞也

一十石謂郡守及諸王相也。劉放曰所聞當屬上句讀之則亦不煩訓詁矣二千石謹察

可者常與計偕師古曰隨上計吏俱至京師詣太常得受

業如弟子一歲皆輒課能通一藝以上補

文學掌故缺其高第可以為郎中太常籍

奏師古曰為名籍而奏。宋祁曰注文為字下疑有之字即有秀才異等輒

奏師古曰為名籍而奏。宋祁曰注文為字下疑有之字

以名聞其不事學若下材及不能通一藝

輒罷之而請諸能稱者師古曰謂列其能通藝業而稱其任者奏請補

用之也臣謹案詔書律令下者師古曰謂班行也明天

人分際通古今之誼師古曰分音扶問反文章爾雅訓

辭深厚師古曰爾雅近正也言詔辭雅正而深厚也恩施甚美小吏

淺聞弗能究宣云以明布諭下以治禮掌

故以文學禮義為官遷留滯師古曰言治禮掌故之官本以

有文學習禮義而為之又所以遷擢留滯之人。劉敞曰下以字衍言。禮掌故其遷常留滯故請特選用以

儒林傳序

勸之請選擇其秩比二百石以上及吏百石

通一藝以上補左右內史大行卒史師古曰左

右內史後為左馮翊右扶風大行後為大鴻臚也比百石以下補郡太

守內史皆各二人師古曰內地之郡郡各補太守卒史二人也邊郡一

人先用誦多者不足擇掌故以補中二千

石屬蘇林曰屬亦禮史令縣令文書解言屬某甲也。宋祁本云注文禮史姚本作曹史文

學掌故補郡屬備員師古曰云備員者示以升擢之非籍其實用也

劉敞曰尋此文意本緣小吏弗能究宣詔書故使文學士布在州郡也然顏解未甚悉今區別言之治禮掌

故以文學禮義為官遷留滯者言故治禮掌故令在他官而遷常留滯今遷之請選擇其秩比二百石以上及吏百石通一藝以上補左右內史大行卒史言文學掌故留滯在此二百石以上及吏百石通一藝皆補為左右內史大行卒史也吏乃以百石用者為其曉事優之也此百石以下補郡太守卒史皆各二人邊郡一人者言故文學掌故在留滯及吏比百石皆補郡卒史也不言文學掌故之在百石者與吏百石同也先用誦多者此數品先用誦多者也不足擇掌故者言此數品不足則擇見方為掌故者以補中二千石屬者以與已同言自此二百石至比百石為卒史者已而臨二千石屬也有掾有屬卒史遷而為屬也文學掌故補郡屬者即不足所擇用故但得為郡屬也備員者請著功令師古曰新立此條請以著

於功令功令篇名若今選舉令它如律令師古曰此外制曰可竝如舊律令

儒林傳序

自此以來

大夫士吏彬彬多文學之

士矣

師古曰林文章兒音斌

昭帝時舉賢良文學增博

士弟子員滿百人宣帝末增倍之元帝好

儒

過一經者皆復

師古曰蠲其徭賦也復方目反

數年以用

度不足更為設員千人郡國置五經百石

卒史成帝末或言孔子布衣養徒三千人

今天子太學弟子少於是增弟子員二千

人歲餘復如故平帝時王莽秉政增元士

小九

之子得受業如弟子勿以為負師古曰常負之外更開此

路歲課甲科四十人為郎中乙科二十人

為太子舍人丙科四十人補文學掌故云

徐鉉題云此平闕自魯商瞿子木受易孔子師古曰商瞿姓也瞿

音以授魯橋庇子庸師古曰姓橋名庇字子庸它皆類此庇音必寐反。

音子庸授江東馯臂子弓師古曰馯臂姓也音韓

弓授燕周醜子家子家東武孫虞子乘子

乘授齊田何子裝及秦禁學易為筮卜之

儒林傳序

書獨不禁故傳受者不絕也宋祁曰越本無也字漢

興田何以齊田徙杜陵號杜田生師古曰高祖用婁敬

之言徙關東大族故何以舊齊田氏見徙也初徙時未為杜陵蓋史家本其地追言之也授東武

王同子中雒陽周王孫丁寬齊服生皆著

易傳數篇師古曰田生授王同周王孫丁寬服生四人而四人皆著易傳也子中王同字

也中讀同授淄川楊何字叔元宋祁曰元淄當作菑

光中徵為太中大夫齊即墨成至城陽相

師古曰姓廣川孟但為太子門大夫魯周霸即墨名成

莒衡胡師古曰莒人臨淄主父偃皆以易至

大官要言易者本之田何

丁寬傳

丁寬字子襄梁人也初梁項生從田何受

易時寬為項生從者讀易精敏材過項生遂

事何學成何謝寬師古曰告寬東歸何謂門

人曰易以東矣師古曰言丁寬得其法術以去。

法字寬至雒陽復從周王孫受古義號周

當刪儒材傳序 丁寬

傳景帝時寬為梁孝王將軍距吳楚號丁

將軍作易說三萬言訓故舉大誼而已師古

曰故謂經之旨今小章句是也寬授同郡碭

田王孫師古曰碭者梁郡之王孫授施讎孟喜

梁丘賀繇是易有施孟梁丘之學師古曰繇與由同後

此類

施讎傳

施讎字長卿沛人也沛與碭相近讎為童

子從田王孫受易後讎徒長陵田王孫為
博士復從卒業師古曰與子孟喜梁丘賀並

為門人謙讓常稱學廢不教授及梁丘賀
為少府事多廼遣子臨分將門人張禹等從

讎問讎自匿不肯見賀固請不得已乃授
臨等於是賀薦讎結髮事師數十年師古曰言從結

髮為童卅即從師學著其早也賀不能及詔拜讎為博士甘
露中與五經諸儒雜論同異於石渠閣師古

三輔故事云石渠閣在未央殿北以藏秘書也

讎授張禹琅邪魯伯

伯為會稽太守禹至丞相禹授淮陽彭宣

沛戴崇子平崇為九卿宣大司空禹宣皆

有傳魯伯授太山毛莫如少路師古曰姓毛名莫如字少

路。蕭該案漢書衆本悉作毛字風俗通姓氏篇渾屯氏太昊之良佐漢有屯莫如為常山太守又有毛姓云毛伯文王之子也見左傳漢有毛樗之為壽張令按此莫如非姓毛乃應作屯字音徒本反今人相承呼為毛忽聞為屯驚怪者多毛屯相似容是傳寫誤矣琅邪
應劭解漢書世人皆用何為在風俗通而不信

邴丹曼容宋祁曰此下更有曼容二字著清名莫如至常

山太守此其知名者也繇是施家有張彭之學

孟喜傳

孟喜字長卿東海蘭陵人也父號孟卿師古

曰時人以卿呼之若言公公矣善為禮春秋授后蒼疏廣世

所傳后氏禮疏氏春秋皆出孟卿以禮經

多春秋煩雜乃使喜從田王孫受易喜好

自稱譽得易家候陰陽災變書詐言師田

施讎子孟喜

生且死時枕喜鄰獨傳喜諸儒以此耀之

師古曰用為光榮也同門梁丘賀疏通證明之師古曰同門同師學

者也疏通猶言分別也證明明其偽也曰田生絕於施讎手中時

喜歸東海安得此事又蜀人趙賓好小數

書後為易飾易文以為箕子明夷陰陽氣云

箕子箕子者萬物方芟茲也師古曰易明夷卦彖曰內文明

而外柔順以蒙大難文王以之利艱貞晦其明也內難而能正其志箕子以之而六五爻辭曰箕子之明夷利貞此箕子者謂殷父師說洪範者也而賓妄為說耳芟

茲言其根芟方滋茂也芟音該又音皆。宋祁曰茲字

蕭作賓持論巧慧易家不能難皆曰非古

法也師古曰心不服云受子孟喜喜為多足之師古曰名之者承取其名

授也云實後賓死莫能持其說喜喜因不肯師古

也日伊亦名也伊音刃以此不見信喜舉孝廉為郎曲臺

署長師古曰曲臺殿名署者主供其事也病免為丞相掾博士

缺眾人薦喜上聞喜改師法遂不用喜喜

授同郡白光少子沛翟牧子兄師古曰兄皆讀曰况

為博士繇是有翟孟白之學

子孟喜

梁丘賀傳

梁丘賀字長翁琅邪諸人也以能心計為

武騎從太中大夫京房受易房者淄川楊

何弟子也師古曰自別一京房非焦延壽弟子為課吏法者或書字誤耳不當為京房。宋祁

曰淄當作苗房出為齊郡太守賀更事田王孫宣

帝時聞京房為易明求其門人得賀賀時

為都司空令坐事論免為庶人待詔黃門

數入說教侍中師古曰為諸侍中說經為教授以召賀賀入說

上善之

師古曰說於天子之前

以賀為郎會八月飲酎

行祠孝昭廟

師古曰行謂天子出

先歐旄頭劔挺墜

首垂泥中

師古曰挺引也劔自然引拔出也墜古地字。宋祁曰垂字當作市字

刃

鄉乘輿車

師古曰鄉讀曰嚮

馬驚於是召賀筮之有

兵謀不吉上還使有司侍祠是時霍氏外

孫代郡太守任宣坐謀反誅

師古曰霍光傳云任宣霍氏之

婿此云外孫誤也

宣子章為公車丞云在渭城界中

夜玄服入廟居郎間

師古曰郎著皂衣故章玄服以廁也

執戟

梁丘賀

立廟門待上至欲為逆發覺伏誅故事上

常夜入廟其後待明而入自此始也賀以

筮有應繇是近幸為太中大夫給事中至

少府為人小心周密上信重之年老終官

傳子臨亦入說為黃門郎甘露中奉使問

諸儒於石渠臨學精孰專行京房法琅邪

王吉通五經聞臨說善之時宣帝選高材

郎十人從臨講吉乃使其子郎中駿上疏

從臨受易臨代五鹿充宗君孟為少府駁
御史大夫自有傳充宗授平陵士孫張仲
方師古曰姓士孫名張字仲方。劉奉世曰臨代五鹿充宗代當為授後人謀改之代充宗者召信臣亦非沛鄧彭祖子夏齊衡咸長賓張為博
士○蕭該案風俗通姓氏篇云衡阿衡也伊尹官也見詩傳漢有衡咸講學祭酒至揚州
牧光祿大夫給事中家世傳業彭祖真定
太傅咸王莽講學大夫繇是梁丘有士孫
鄧衡之學

京房傳

京房受易梁人焦延壽師古曰延壽其字名贛延壽云
嘗從孟喜問易會喜死房以為延壽易即
孟氏學翟牧白生不肯皆曰非也至成帝
時劉向校書考易說以諸易家說皆祖田
何楊叔丁將軍大誼略同唯京氏為異黨
焦延壽獨得隱士之說師古曰黨讀曰儻託之孟氏
不相與同房以明災異得幸為石顯所譖

誅自有傳房授東海殷嘉河東姚平河南
乘弘師古曰乘姓也乘食證反。劉皆為郎博
士繇是易有京氏之學

費直傳

費直字長翁東萊人也師古曰費音扶味反治易為郎

至單父令師古曰單音善父音甫長於卦筮亡章句徒

以彖象系辭十篇文言解說上下經琅邪

王璜平中能傳之師古曰中讀曰仲璜又傳古文尚

京房費直

書

高相傳

高相沛人也治易與費八公同時其學亦云
章句專說陰陽災異自言出於丁將軍傳
至相相授子康及蘭陵母將永康以明易
為郎求至豫章都尉及王莽居攝東郡太
守翟誼謀舉兵誅莽事未發康候知東郡
有兵私語門人門人上書言之後數月程

誼兵起莽召問對受師高康莽惡之以爲
惑衆斬康繇是易有高氏學高費皆未嘗
立於學官

伏生傳

伏生濟南人也

張晏曰名勝伏生碑云也

故爲秦博士孝

文時求能治尚書者天下云有聞伏生治

之欲召時伏生年九十餘老不能行於是

詔太常使掌故朝錯往受之

師古曰衛宏定古文尚書序云伏生

高相伏生

老不能正言言不可曉也使其女傳言教錯齊人語多與穎川異錯所不知者凡十二三畧以其意屬讀而已

秦時禁書伏生壁藏之其後大兵起流云

漢定伏生求其書亡數十篇獨得二十九

篇即以教于齊魯之間齊學者由此頗能

言尚書山東大師亡不涉尚書以教伏生

教濟南張生及歐陽生張生爲博士而伏

生孫以治尚書徵弗能明定是後魯周霸

雒陽賈嘉頗能言尚書云

師古曰嘉者賈誼之孫也

大書十五

宋修

歐陽生傳

歐陽生字和伯千乘人也事伏生授兒寬
寬又受業孔安國至御史大夫自有傳寬
有俊材○宋祁曰俊字當作馬初見武帝語經學上曰
吾始以尚書為樸學弗好及聞寬說可觀
乃從寬問一篇歐陽大小夏侯氏學皆出
於寬寬授歐陽生子世世相傳至魯孫高
子陽為博士師古曰名高字子陽高孫地餘長賓以太

伏生 歐陽生

子中庶子授太子後為博士論石渠元帝
即位地餘侍中貴幸至少府戒其子曰我
死官屬即送汝財物慎毋受汝九卿儒者
子孫以廉絜著者可以自成及地餘死少府
官屬共送數百萬○宋祁曰越本無數字其子不受天
子聞而嘉之賜錢百萬地餘少子政為王
莽講學大夫由是尚書世有歐陽氏學

林尊傳

林尊字長賓濟南人也事歐陽高為博士
論石渠後至少府太子太傅授平陵平當
梁陳翁生當至丞相自有傳翁生信都太
傅家世傳業由是歐陽有平陳之學翁生
授琅邪殷崇楚國龔其勝崇為博士勝右扶
風自有傳而平當授九江朱普公文上黨
鮑宣普為博士宣司隸校尉自有傳徒眾
尤盛知名者也

歐陽生林尊

夏侯勝傳

夏侯勝其先夏侯都尉從濟南張生受尚
書以傳族子始昌始昌傳勝勝又事同郡
蔣卿師古曰蔣音姦蔣卿者兒寬門人勝傳從兄子
建建又事歐陽高勝至長信少府建太子
太傅自有傳由是尚書有大小夏侯之學

周堪傳

周堪字少卿齊人也與孔霸俱事大夏侯

勝霸為博士堪譯官令論於石渠經為最
高後為太子少傅而孔霸以太中大夫授
太子及元帝即位堪為光祿大夫與蕭望
之並領尚書事為石顯等所譖○宋祁曰越本邵本無等
字皆免官望之自殺上愍之廼擢堪為光
祿勳語在劉向傳堪受牟卿○宋祁曰舊本卿作鄉及長
安許商長伯牟卿為博士霸以帝師賜爵
號褒成君傳子光○宋祁曰光字下更有光字亦事牟卿至

夏侯勝 周堪

丞相自有傳由是大夏侯有孔許之學商
善為筭著五行論歷四至九卿號其門人
沛唐林子高為德行平陵吳章偉君為言
語重泉王吉少音為政事齊炅欽幼卿為
文學師古曰依孔子弟子顏回以下為四科也炅音桂○宋祁曰炅字詰曰今吳姓也高昭音翁炅
非王莽時林吉為九卿自表上師家大夫
博士郎吏為許氏學者各從門人會車數
百兩儒者榮之欽章皆為博士徒眾尤盛

章為王莽所誅

○宋祁曰越本作所誅也

張山拊傳

張山拊字長賓平陵人也

師古曰拊音膚。常昭音不又甫尤

反事小夏侯建為博士論石渠至少府授

同縣李尋鄭寬中少君山陽張無故子儒

信都秦恭延君陳留假君子驕無故善脩

章句為廣陵太傅守小夏侯說文恭增師

法至百萬言

師古曰言小夏侯本所說之文不多而秦恭人更增益故至百萬言也

周漢

為城陽內史倉君以謁者論石渠至膠東相

尋善說災異為騎都尉自有傳寬中有雋

材以博士授太子成帝即位賜爵關內侯

食邑八百戶遷光祿大夫領尚書事甚尊

重會疾卒谷永上疏曰臣聞聖王尊師傅

褒賢雋顯有功生則致其爵祿死則異其

禮謚昔周公薨成王葬以變禮而當天心

師古曰周公死成王欲葬之於成周天乃雷雨以風禾盡偃大木斯拔國大恐王乃葬周公於畢示不敢臣也

事見尚書大傳而與古文尚書不同公叔文子卒衛侯加以美謚

著為後法師古曰公叔文子衛大夫公叔發也文子卒其子請謚於君君曰且曰者衛國凶

饑夫子為粥與國之餓者不亦惠乎衛國有難夫子以其死衛寡人不亦貞乎夫子聽衛國之政修其班制以

與四鄰交衛國社稷不辱不亦文乎近事大司空

牛邑劉敞曰空當為農右扶風翁歸德茂天年孝宣

皇帝愍冊厚賜贊命之臣靡不激揚師古曰贊

也左關內侯鄭寬中有顏子之美質包商偃

之文學師古曰論語云文學子游子夏商子夏名偃子游名嚴然總五經

張山拊

之眇論立師傅之顯位師古曰嚴與儼入則

鄉唐虞之闕道王法納乎聖聽師古曰鄉讀曰嚮闕大也

言陳聖王之出則參冢宰之重職功列施乎

政事退食自公私門不開師古曰退食自公召南羔羊詩之辭言殿

退所食之祿而從至公之道也散賜九族田畝不益德配周

召忠合羔羊未得登司徒有家臣師古曰司徒掌禮教

之官言寬中學行堪為之也家臣其及諸公國官及府佐也卒然卓終尤可悼

痛師古曰卒讀曰碎臣愚以為宜加其葬禮賜之令

蓋師古曰以音尊師褒賢顯功之德上弔贈

寬中甚厚由是小夏侯有鄭張秦假李氏

之學寬中授東郡趙玄無故授沛唐尊恭

授曾馮賓賓為博士尊王莽太傅玄哀帝

御史大夫至大官知名者也宋祁曰淳化本

有無故二字馮賓字下更有一馮字

孔安國傳

孔氏有古文尚書孔安國以今文字讀之

因以起其家逸書得十餘篇蓋尚書茲多

於是矣遭巫蠱未立於學官安國為諫大

夫授都尉朝服虔曰朝名都尉姓而司馬遷亦從安國

問故遷書載堯典禹貢洪範微子金縢諸

篇多古文說都尉朝授膠東庸生庸生授

清河胡常少子師古曰少子亦常字也以明穀梁春秋

為博士部刺史又傳左氏常授龔徐敖敖

為右扶風掾又傳毛詩授王璜平陵塗暉

子真子真授河南桑欽君長王莽時諸學

皆立○宋祁曰新本改論作諸劉歆為國師璜博等皆貴

顯世所傳百兩篇者出東萊張霸分析今

二十九篇以為數十又采左氏傳書叙為

作首尾凡百二篇篇或數簡文意淺陋成

帝時求甚古文者霸以能為百兩徵以中

書校之非是師古曰以霸私增加分析故與中書之文不同也中書天子所藏之書也霸

辭受父父有弟子尉氏樊竝時太中大夫

此段因

平當侍御史周敞勸上存之師古曰存者立其學後樊

竝謀反廼黜其書

申公傳

申公魯人也少與楚元王交俱事齊人浮

丘伯受詩漢興高祖過魯申公以弟子從

師入見于魯南宮呂太后時浮丘伯在長

安楚元王遣子郢與申公俱卒學師古曰郢即郢客也

元王薨郢嗣立為楚王令申公傳太子戊

戊不好學病申公

師古曰病苦也及戊立為王胥靡

申公

師古曰胥靡相係而作

申公愧之歸魯退

居家教終身不出門復謝賓客

師古曰身既不出門非受

業弟子其它賓客來者又謝遣之不與相見也

獨王命召之乃往弟子

自遠方至受業者千餘人申公獨以詩經

為訓故以教亡傳

師古曰口說其指不為解說之傳

疑者則闕

弗傳蘭陵王臧既從受詩已通事景帝為

太子少傅免去武帝初即位臧乃上書宿

申公

衛累遷一歲至郎中令及代趙綰亦嘗受詩

申公為御史大夫綰臧請立明堂以朝諸

侯不能就其事

師古曰就成也

乃言師申公於是上

使使東帛加璧安車以蒲裹輪駕駟迎申

公

宋祁曰景祐本改駕作加今兩存

弟子二人乘軺傳從

師古曰傳音張

至見上上問治亂之事申公時已八十

餘老對曰為治者不至多言顧力行何如

耳

師古曰顧念也力行謂勉力為行也

是時上方好文辭見申公

對默然然已招致即以為太中大夫舍魯

邱師古曰舍止息也議明堂事太皇寶太后喜老子

言不說儒術師古曰喜音許既反說讀曰悅得縮臧之過以

讓上曰此欲復為新垣平也師古曰讓責也上因廢

明堂事下縮臧吏皆自殺申公亦病免

歸數年卒弟子為博士十餘人孔安國

至臨淮太守周霸膠西內史夏寬城陽

內史礪魯賜東海太守蘭陵繆生長

申公

沙內史徐偃膠西中尉鄒人闕門慶忌膠

東內史李奇曰姓闕門名慶忌其治官民皆有廉節稱

其學官弟子行雖不備而至於大夫郎掌

故以百數申公卒以詩春秋授而瑕丘江

公盡能傳之徒眾最盛及魯許生免中徐

公蘇林曰免中縣名也李奇曰邑名也師古曰李說是也皆守學教授

賢治詩事博士大江公及許生晉灼曰大江公即瑕丘江

公也以異下博士江公故稱大又治禮至丞相傳

宋祁曰監本無博士二字

子玄成以淮陽中尉論石渠後亦至丞相
玄成及兄子賞以詩授哀帝至大司馬車
騎將軍自有傳由是魯詩有韋氏學

王式傳

王式字翁思東平新桃人也事免中徐公
及許生式為昌邑王師昭帝崩昌邑王嗣
立以行淫亂廢昌邑羣臣皆下獄誅唯中
尉王吉郎中令龔遂以數諫減死論式繫

申公 王式

獄當死治事使者責問曰師何以云諫書
式對曰臣以詩三百五篇朝夕授王至於
忠臣孝子之篇未嘗不為王反復誦之也

師古曰復音方目反

至於危亡失道之君未嘗不流涕

為王深陳之也臣以三百五篇諫是以亡
諫書使者以聞亦得減死論歸家不教授
山陽張長安幼君李奇曰長安名先事式後東平唐
長賓沛褚少孫亦來事式問經數篇式謝

曰聞之於師具是矣自潤色之師古曰言所聞師說其盡

於此若嫌簡略任更潤色不肯復授唐生褚生應博士第

子選詣博士掘衣登堂頌禮甚嚴師古曰掘衣謂以手

內舉之令離地也掘音口侯反頌讀曰容試誦說有法疑者丘蓋不

言蘇林曰丘蓋不言不知之意也如淳曰齊俗以不知為丘師古曰二說皆非也論語載孔子曰蓋有

不知而作之者我無是也欲遵此意故效孔子自稱丘耳蓋者發語之辭。劉敞曰予案荀卿書區蓋之間疑則不言區蓋近意也丘區聲相變殆謂此耳諸博士驚問何師對曰

事式皆素聞其賢其薦式詔除下為博士

王式

師古曰下除官之書也下音胡嫁反式徵來衣博士衣而不冠

曰刑餘之人何宜復充禮官既至止舍中

會諸大夫博士共持酒肉勞式皆注意高

仰之師古曰勞音來到反博士江公世為魯詩宗師古曰為魯詩

者所宗帥也至江公著孝經說心嫉式謂歌吹諸

生曰如淳曰其學官自有此法酒坐歌吹以相樂也歌驪駒服虔曰逸詩

戴禮客欲去歌之文穎曰其辭云驪駒在門僕夫具存驪駒在路僕夫整駕也式曰聞之

於師客歌驪駒主人歌客毋庸歸文穎曰庸用也主人

禮未畢且無用歸也。劉敞曰尋文術一客字。今曰驪駒者客將歸之歌主人無所歸不當歌也。

諸君為主人日尚早未可也江翁曰經何

以言之師古曰於經何所有此言式曰在曲禮江翁曰何

狗曲也師古曰意怒故妄發言言狗者輕賤之甚也今流俗書本云何曲狗妄改之也式恥

之陽醉邊墜師古曰邊失據而倒也墜古地字邊音徒浪反。宋祁曰邊古作踢服履音湯

式客罷能讓諸生曰我本不欲來

師古曰諸生彊勸我竟為豎子所辱遂謝病讓責也

免歸終於家張生唐生褚生皆為博士張

王六

生論石渠至淮陽中尉唐生楚太傅由是

魯詩有張唐褚氏之學張生兄子游卿為

諫大夫以詩授元帝其門人琅邪王扶為

泗水中尉陳留許晏為博士宋祁曰尉字下當有授字

由是張家有許氏學初薛廣德亦事王式

以博士論石渠授龔舍廣德至御史大夫

舍泰山太守皆有傳

轅固傳

大下十

卷之五

八

十

宋

棘固齊人也

宋祁曰固字下當有生字

以治詩孝景時為

博士與黃生爭論於上前黃生曰湯武非

受命廼殺也固曰不然夫桀紂荒亂天下

之心皆歸湯武湯武因天下之心而誅桀

紂桀紂之民弗為使而歸湯武湯武不得已

而立非受命為何

師古曰此非受命更何為。宋祁曰注文師古曰下當有言字

黃生曰冠雖敝必加於首履雖新必貫於

足

師古曰語見太公六韜也

何者上下之分也

師古曰分音扶問反今

王式 棘固

桀紂雖失道然君上也湯武雖聖臣下也

夫主有失行臣不正言匡過以尊天子反

因過而誅之代立南面非殺而何固曰必

若云

師古曰謂必如黃生之言

是高帝代秦即天子之位

非邪於是上曰食肉毋食馬肝未為不知

味也言學者毋言湯武受命不為愚

師古曰馬

肝有毒食之熹殺人幸得無食言湯武為殺是背經義故以為喻也。劉敞曰知味者不必須食馬肝言學者不必須論湯武此欲令學者皆置之耳遂罷竇太后好老子書召

問固固曰此家人言耳

師古曰家人言僮隸之屬。宋祁曰越本耳作

矣。太后怒曰安得司空城旦書乎

服虔曰道家以儒法

為急比之於律令也

廼使固入圜擊毘上知太后怒而

固直言無辜廼假固利兵

師古曰假給與也利兵兵忍之利者

下

固刺毘正中其心毘應手而倒太后默然

亡以復辜後上以固廉直拜為清河太傅

疾免武帝初即位復以賢良徵諸儒多嫉

毀曰固老罷歸之時固已九十餘矣公孫

蘇固一

弘亦徵仄目而事固

師古曰言深憚之

固曰公孫子

務正學以言無曲學以阿世諸齊以詩顯

貴皆固之弟子也昌邑太傅夏侯始昌最

明白有傳

后蒼傳

后蒼字近君東海郟人也事夏侯始昌始

昌通五經蒼亦通詩禮為博士至少府授

翼奉蕭望之匡衡奉為諫大夫望之前將

六百冊九

長中

長中

長中

軍衡丞相皆有傳衡授琅邪師丹伏理存
君潁川滿昌君都君都為詹事理高密太
傅家世傳業丹大司空自有傳由是齊詩
有翼匡師伏之學滿昌授九江張邶琅邪
皮容皆至大官徒眾尤盛

韓嬰傳

韓嬰女燕人也孝文時為博士景帝時至常
山大傳嬰推詩人之意而作內外傳數萬

后蒼 韓嬰女

言

○宋祁曰監本無內字

其語頗與齊魯間殊然歸一

也淮南賁生受之

師古曰賁音肥

燕趙間言詩者由

韓生韓生亦以易授人推易意而為之傳

燕趙間好詩故其易微唯韓氏自傳之武

帝時嬰嘗與董仲舒論於上前其人精悍

處事分明

師古曰悍勇銳也宋祁曰注末少也字

仲舒不能難

也後其孫商為博士孝宣時涿郡韓生其

後也以易徵待詔殿中曰所受易即先太

傳所傳也嘗受韓詩不如韓氏易深太傅故專傳之司隸校尉蓋實饒本受易於孟喜見涿韓生說易而好之即更從受焉

趙子傳

趙子河內人也事燕韓生授同郡蔡誼誼至丞相自有傳誼授同郡食子公

○蕭該音義曰案風

俗通曰食我韓公子也見戰國策漢有食子公為博士食音嗣與王吉吉為昌邑

王中尉自有傳食生為博士授泰山栗豐

台碑 趙子

吉授淄川長孫順順為博士豐部刺史由是韓詩有王食長孫之學豐授山陽張就順授東海髮福皆至大官徒眾尤盛

毛公傳

毛公趙人也治詩為河間獻王博士授同國貫長卿長卿授解延年延年為阿武令授徐敖教授九江陳俠為王莽講學大夫由是言毛詩者本之徐敖

大司九十一

前傳五十一

漢書卷八十一

十五

長中

軍衡丞相皆有傳衡授琅邪師丹伏理存
君潁川滿昌君都君都為詹事理高密太
傅家世傳業丹大司空自有傳由是齊詩
有翼匡師伏之學滿昌授九江張邳琅邪
皮容皆至大官徒眾尤盛

韓嬰傳

韓嬰女燕人也孝文時為博士景帝時至常
山大傳嬰推詩人之意而作內外傳數萬

石蒼 韓嬰

言

○宋祁曰監本無內字

其語頗與齊魯間殊然歸一

也淮南賁生受之

師古曰賁音肥

燕趙間言詩者由

韓生韓生亦以易授人推易意而為之傳

燕趙間好詩故其易微唯韓氏自傳之武

帝時嬰嘗與董仲舒論於上前其人精悍

處事分明

師古曰悍勇銳○宋祁曰注末少也字

仲舒不能難

也後其孫商為博士孝宣時涿郡韓生其
後也以易徵待詔殿中曰所受易即先太

傳所傳也嘗受韓詩不如韓氏易深太傅故專傳之司隸校尉蓋寬饒本受易於孟喜見涿韓生說易而好之即更從受焉

趙子傳

趙子河內人也事燕韓生授同郡蔡誼誼至丞相自有傳誼授同郡食子公

○蕭該音義曰案風

俗通曰食我韓公子也見戰國策漢有食子公為博士食音嗣與王吉吉為昌邑

王中尉自有傳食生為博士授泰山栗豐

六十一 趙子

吉授淄川長孫順順為博士豐部刺史由是韓詩有王食長孫之學豐授山陽張就順授東海髮福皆至大官徒眾尤盛

毛公傳

毛公趙人也治詩為河間獻王博士授同國貫長卿長卿授解延年延年為阿武令授徐敖敖授九江陳俠為王莽講學大夫由是言毛詩者本之徐敖

漢興魯高堂生傳士禮十七篇而魯徐生

善為頌蘇林曰漢舊儀有二郎為此頌兒威儀事有徐氏徐氏後有張氏不知經但能盤辟為禮

容天下郡國有容史皆詣魯學之師古曰頌讀與谷同下皆類此。宋祁曰注文姚本刪徐氏二字能字下添

揖讓二字 孝文時徐生以頌為禮官大夫傳子

至孫延襄師古曰延及襄二人襄其次具性善為頌不

能通經延頗能未善也襄亦以頌為大夫

至廣陵內史延及徐氏弟子公戶滿意相

生單次皆為禮官大夫師古曰姓公戶名滿意也與栢生及單次凡三

毛公一

人單音善而瑕丘蕭奮以禮至淮陽太守諸言禮為頌者由徐氏

孟卿傳

孟卿東海人也事蕭奮以授后倉魯問丘

卿倉君說禮數萬言號曰后氏曲臺記服虔曰在曲臺

校書著記因以為各師古曰曲臺殿在未央宮授沛間人通漢子方如淳

曰聞人姓也名通漢字子方梁戴德延君戴聖次君沛慶

普孝公孝公為東平太傅德號大戴為信

大司冊八

前傳五十八

禮記卷八

禮記卷八

都太傅聖號小戴以博士論石渠至九江
太守由是禮有大戴小戴慶氏之學通漢
以太子舍人論石渠至中山中尉普授曾
夏侯敬又傳族子咸為豫章太守大戴授
琅邪徐良苻鄉為博士州牧郡守家世傳
業小戴授梁人橋仁季鄉楊榮子孫師古曰子孫榮
之字也○宋祁曰景本作揚榮注同仁為大鴻臚家世傳
業榮琅邪太守由是大戴有徐氏小戴有

橋楊氏之學

胡母生傳

胡母生字子都齊人也治公羊春秋為景
帝博士與董仲舒同業仲舒著書稱其德
年老歸教於齊齊之言春秋者宗事之公
孫弘亦頗受焉而董生為江都相自有傳
弟子遂之者蘭陵褚大東平高臧公廣川段
仲溫呂步舒師古曰遂謂名位成達者○宋祁曰遂之者當刪之字○劉敞曰遂之者

之字 大至梁相步舒丞相長史唯臧公守
學不失師法為昭帝諫大夫授東海孟卿
魯睦孟孟為符節令坐說災異誅自有傳
嚴彭祖傳

嚴彭祖字公子東海下邳人也與顏安樂
俱事睦孟孟弟子百餘人唯彭祖安樂為
明質問疑誼各持所見孟曰春秋之意在
二子矣孟死彭祖安樂各顯門教授師古曰
顯與專

胡毋生嚴彭祖

同專門言
各自名家

為宣帝博士至河南東郡太守宋祁曰
或無東字以

高第入為左馮翊遷太子太傅廉直不事

權貴或說曰天時不勝人事君以不修小

禮曲意亡貴人左右之助經誼雖高不至

宰相願少自勉彊彭祖曰凡通經術固當

修行先王之道何可委曲從俗苟求富貴

乎彭祖竟以太傅官終授琅邪王中為元

帝少府

師古曰中讀曰仲

家世傳業中授同郡公孫

文東門雲雲為荊州刺史文東平太傅徒

眾尤盛雲坐為江賊拜辱命下獄誅

師古曰逢見賊

而拜也

顏安樂傳

顏安樂字公孫

宋祁曰一作翁孫

魯國薛人睦孟姊

子也家貧為學精力

宋祁曰一作積力

官至齊郡太

守丞後仇家所殺安樂授淮陽冷豐次君

師古曰冷音零

淄川任公公為少府豐淄川太守

由是顏家有冷任之學始貢禹事嬴公成

於睦子孟至御史大夫踈廣事孟卿至太子

太傅皆自有傳廣授琅邪筦路

師古曰筦亦管字也。蕭

該音義曰筦當作草下完案風俗通有筦管二姓蘇楚大夫見呂氏春秋漢有筦路又有管姓云管夷吾齊桓

公佐也漢有管號為西河太守。宋祁曰今管路是草下完非竹下完及竹下官由是讀著多或檢風俗通乃

知蕭該音義亦書於傳云

路為御史中丞禹授穎川堂谿

惠

師古曰姓

惠授泰山冥都

師古曰冥音莫零反。蕭該案周禮

大司馬

前

文

七

長

小十四
真鄭司農云讀如真氏春秋之真劉昌宗莫歷反都治
公羊春秋當是有所注述解釋公羊故司農云真氏春
秋之真風俗通姓氏篇真矣固姬姓
禹後見史記漢書有真都為丞相
都為丞相史

都與路又事顏安樂故顏氏復有筦其之
學路授孫寶為大司農自有傳豐授馬宮
琅邪左咸咸為郡守九卿徒眾尤盛官至
大司徒自有傳劉放曰官改作宮

瑕丘江公傳

瑕丘江公受穀梁春秋及詩於魯申公傳

顏安樂 瑕丘江公

子至孫為博士武帝時江公與董仲舒並

仲舒通五經能持論善屬文江公哂於口

師古曰屬音之欲反哂古訥字上使與仲舒議不如仲舒而

丞相公孫弘本為公羊學比輯其議卒用

董生師古曰比次也輯合也此音類寐反輯與集同於是上因尊公羊

家詔太子受公羊春秋由是公羊大興太

子既通復私問穀梁而善之其後浸微師古

日浸也唯魯榮廣王孫皓星公二人受焉廣

帝少府

師古曰

家世傳業中授同郡公孫

文東門雲雲為荊州刺史文東平太傅徒

眾尤盛雲坐為江賊拜辱命下獄誅

而拜也

顏安樂傳

顏安樂字公孫

宋祁曰一作翁孫

曾國薛人睦孟姊

子也家貧為學精力

宋祁曰一作精力官至齊郡太

守丞後仇家所殺安樂授淮陽冷豐次君

師古曰冷音零

淄川任公公為少府豐淄川太守

由是顏家有冷任之學始貢禹事嬴公成

於睦孟至御史大夫踈廣事孟卿至太子

太傅皆自有傳廣授琅邪筦路

師古曰筦亦管字也。蕭

該音義曰筦當作草下完案風俗通有筦管二姓蘇楚大夫見呂氏春秋漢有筦路又有管姓云管夷吾齊桓

公佐也漢有管號為西河太守。宋祁曰今管路是草下完非竹下完及竹下官由是讀者多惑檢風俗通乃

知蕭該音義亦書於傳云

路為御史中丞禹授潁川堂谿

惠

師古曰姓

惠授泰山冥都

師古曰冥音莫零反。蕭該案周禮

大司馬

刑部

長

小十四
冥鄭司農云讀如冥氏春秋之冥劉昌宗莫歷反都治
公羊春秋當是有所注述解釋公羊故司農云冥氏春
秋之冥風俗通姓氏篇冥侯固姬姓
禹後見史記漢書有冥都為丞相
都為丞相史

都與路又事顏安樂故顏氏復有筦冥之
學路授孫寶為大司農自有傳豐授馬宮
琅邪左咸咸為郡守九卿徒眾尤盛官至
大司徒自有傳○劉放曰
官改作宮

瑕丘江公傳

瑕丘江公受穀梁春秋及詩於魯申公傳

顏安樂瑕丘江公

子至孫為博士武帝時江公與董仲舒並
仲舒通五經能持論善屬文江公喞於口

師古曰屬音之
欲反喞古訥字上使與仲舒議不如仲舒而

丞相公孫弘本為公羊學比輯其議卒用
董生師古曰比次也輯合也
比音頻寐反輯與集同於是上因尊公羊

家詔太子受公羊春秋由是公羊大興太

子既通復私問穀梁而善之其後浸微師古

曰浸
漸也唯魯榮廣王孫皓星公二人受焉廣

三
七

盡能傳其詩春秋高材捷敏與公羊大師
睦孟等論數困之師古曰孟等窮屈也故好學者頗復
受穀梁沛蔡千秋少君梁周慶幼君丁姓
子孫師古曰姓丁名姓字子孫皆從廣受千秋又事皓星
公為學最篤宣帝即位聞衛太子好穀梁
春秋以問丞相韋賢長信少府夏侯勝及
侍中樂陵侯史高皆魯人也言穀梁子本
魯學公羊氏廼齊學也宜與穀梁時千秋

穀丘江公

為郎召見與公羊家並說上善穀梁說擢
千秋為諫大夫給事中後有過左遷平陵
令復求能為穀梁者莫及千秋上愍其學
且絕廼以千秋為郎中戶將師古曰戶將官名解在揚惲蓋

寬饒傳

選郎十人從受汝南尹更始翁君本

自事千秋能說矣會千秋病死徵江公孫
為博士劉向以故諫大夫通達待詔受穀
梁欲令助之江博士復死廼徵周慶丁姓

待詔保宮

師古曰保宮少府之屬官也本名居室

使卒授十人

自元康中始講至甘露元年積十餘歲皆明習廼召五經名儒太子太傅蕭望之等大議殿中平公羊穀梁同異各以經處是非時公羊博士嚴彭祖侍郎申輓伊推宋顯師古曰輓音晚穀梁議郎尹更始待詔劉向周慶丁姓竝論公羊家多不見從願請內侍郎許廣使者亦竝內穀梁家中郎王亥各五

叔丘江公

人

師古曰使者謂當時詔遣監議者也內謂引入議所也公羊家既請內許廣而使者因竝內王亥也

議三十餘事望之等十一人各以經誼對

多從穀梁由是穀梁之學大盛慶姓皆為博

士

師古曰周慶丁姓二人也

姓至中山太傅授楚申章昌

曼君

李奇曰姓申章名昌字曼君。蕭該音義曰晉灼作由章予案風俗通姓氏篇云由余秦相也

見史記漢有由章至長沙太傅今宜作由章。陽夏公案後言由是穀梁春秋有尹胡申章房氏之學則宜從

李奇為博士至長沙太傅徒眾尤盛尹更始

為諫大夫長樂戶將又受左氏傳取其變

理合者以為章句傳子咸及翟方進琅邪
房鳳咸至大司農方進丞相自有傳

房鳳傳

房鳳字子元不其人也

師古曰琅邪之縣也其音基

以射策

乙科為太史掌故太常舉方正為縣令都尉失官大司馬票騎將軍王根奏除補長史薦鳳明經通達擢為光祿大夫遷五官中郎將時光祿勳王龔以外屬內卿

如淳曰印成太

后親也內卿光祿勳治宮中

與奉車都尉劉歆共校書三

人皆侍中歆白左氏春秋可立哀帝納之

以問諸儒皆不對歆於是數見丞相孔光

為言左氏以求助光卒不肯唯鳳龔許歆

遂共移書責讓太常博士語在歆傳大司

空師丹奏歆非毀先帝所立上於是出龔等補

吏龔為弘農歆河內鳳九江太守至青州牧始

江博士授胡常常授梁蕭秉君房王莽時

為講學大夫由是穀梁春秋有尹胡申章
房氏之學

漢興北平侯張蒼及梁太傅賈誼京兆尹

張敞太中大夫劉公子皆修春秋左氏傳

誼為左氏傳訓故授趙人貫公為河間獻

王博士子長卿為蕩陰令師古曰蕩陰河內之縣也蕩音湯授

清河張禹長子如淳曰非成帝師張禹也禹與蕭望之同

時為御史數為望之之言左氏望之之善之上

書數以稱說後望之為太子太傅薦禹於

宣帝徵禹待詔未及問會疾死授尹更始

師古曰禹先授更始更始傳子咸及翟方進胡常常授

黎陽賈護季君哀帝時待詔為郎授蒼梧

陳欽子佚以左氏授王莽至將軍而劉歆

從尹咸及翟方進受由是言左氏者本之

賈護劉歆

贊曰自武帝立五經博士開弟子員設科

射策勸以官祿訖於元始百有餘年傳業者寢盛支葉蕃滋師古曰寢漸也蕃多也滋益也一經說至

百餘萬言大師眾至千餘人蓋祿利之路

然也師古曰言為經學者則受辭祿而獲其利所以益勸。宋祁曰監本然下無也字初

書唯有歐陽禮后易揚春秋公羊而已至孝宣世復立大小夏侯尚書大小戴禮施孟梁丘易穀梁春秋至元帝世復立京氏易平帝時又立左氏春秋毛詩逸禮古文

尚書所以罔羅遺失兼而存之是在其中

矣如淳曰雖有虛妄之說是當在其中故兼而存之

右將監本杭本越本及三劉宋祁諸

本參校其有異同各附於古注之下

儒林傳第五十八


Blank columns with faint vertical lines and a large watermark character '四'.



循吏傳第五十九

漢書八十九

師古曰循順也上順公法下順人情也



漢 護 軍 班 固 撰

唐議奏行秘書監裴麟國子顏

師古 集註

漢興之初反秦之赦與民休息凡事簡易
禁罔疏闊而相國蕭曹以寬厚清靜為天

下帥

師古曰帥通也

民作畫一之歌

師古曰謂歌曰蕭何為法講若畫一曹參

代之守而勿失

孝惠垂拱高后女主不出房闥而

天下晏然民務稼穡衣食滋殖師古曰滋益也殖生也

至于文景遂移風易俗是時循吏如河南

守吳公蜀守文翁之屬皆謹身帥先居以

廉平未至於嚴而民從化孝武之世外攘

四夷內改法度師古曰攘鄰也民用雕敝茲軌不禁

師古曰時少能以化治稱者唯江都相董仲舒內史公孫弘兒寬居官可紀三人皆儒

者通於世務明習文法以經術潤飾吏事

天子器之仲舒數謝病去弘寬至三公孝

昭幼冲霍光秉政承奢侈師旅之後海內

虛耗光因循守職無所改作至於始元元

鳳之間匈奴鄉化百姓益富師古曰鄉讀曰嚮舉賢

良文學問民所疾苦於是罷酒榷而議鹽

鐵矣及至孝宣繇仄陋而登至尊師古曰仄古側字仄

興于閭閻師古曰閭里門也閭里中

知民事之艱難自霍光薨後

師古曰閭里門也言從里巷而即大位也

陋言非正統而身經微賤也繇與由同次下類此

師古曰閭里門也言從里巷而即大位也

師古曰閭里門也言從里巷而即大位也

師古曰閭里門也言從里巷而即大位也

始躬萬機厲精為治五日一聽事自丞相
已下宋祁曰已各奉職而進及拜刺史守相
輒親見問觀其所繇退而考察所行以質
其言師古曰質正也有名實不相應必知其所以然
常稱曰庶民所以安其田里而亡歎息愁
恨之心者政平訟理也師古曰訟理言所訟見理而無冤滯也與
我共此者其唯良二千石乎師古曰謂郡守諸侯相。宋祁曰注
未有也字以為太守吏民之本也宋祁曰越本無也字姚本刪數

循吏傳序

變易則下不安民知其將久不可欺罔廼
服從其教化故二千石有治理效輒以璽
書勉厲增秩賜金或爵至關內侯公卿缺
則選諸所表以次用之師古曰所表謂增秩賜金爵也是故漢
世良吏於是為盛稱中興焉若趙廣漢韓
延壽尹翁歸嚴延年張敞之屬皆稱其仇
然任刑罰或抵罪誅師古曰抵至也音丁禮反王成黃霸
宋邑龔遂鄭弘召信臣等師古曰召讀曰邵所居民

富所去見思生有榮號死見奉祀此廩廩
師古曰廩廩言有風采也

文翁傳

文翁廬江舒人也少好學通春秋以郡縣
吏察舉景帝末為蜀郡守仁愛好教化見
蜀地辟陋有蠻夷風師古曰辟讀曰僻文翁欲誘進
之乃選郡縣小吏開敏有材者張叔等十
餘人親自飭厲師古曰飭與敕同遣詣京師受業傳

文翁

士或學律令減省少府用度買刀布蜀物

齋計吏以遺博士

如淳曰金馬書刀今賜計吏是也作馬形於刀環內以金鑲之

晉灼曰刀書刀布布刀也舊時蜀郡工官作金馬書刀者似佩刀形金錯其拊布刀謂婦人割裂財布刀也師古曰少府郡掌財物之府以供太守者也刀凡蜀刀有環者也布蜀布細密環也二者蜀人作之皆善故齋以為貨無限於書刀布刀也如晉二說皆煩而不當也。宋祁曰注文細密環也景本據史館本改作細密者也
數歲蜀生皆成就還歸文翁以為右職師古

曰郡中高職也用次察舉官有至郡守刺史者又修

起學官於成都市中

師古曰學官學之官舍也

招下縣子

弟以為學官弟子

師古曰下縣四郊之縣非郡所治也為除更繇

師古曰不令從役也更音工衡反繇讀曰搖

高者以補郡縣吏次為

孝弟力田常選學官僮子使在便坐受事

師古曰便坐別坐可以視事非正廷也坐音財卧反

每出行縣益從學官

諸生明經飭行者與俱

師古曰益多也飭整也讀與救同

使傳

教令出入閨閣

師古曰閨閣內中小門也

縣邑吏民見而

榮之數年爭欲為學官弟子富人至出錢

以求之繇是大化

師古曰繇讀曰由

蜀地學於京師

文翁

者比齊魯焉至武帝時乃令天下郡國皆

立學校官自文翁為之始云文翁終於蜀

吏民為立祠堂歲時祭祀不絕至今巴蜀

好文雅文翁之化也

師古曰文翁學堂于今猶在益州城內

王成傳

王成不知何郡人也為膠東相治甚有聲

宣帝最先褒之地節三年下詔曰蓋聞有

功不賞有罪不誅雖唐虞不能以化天下

大

今膠東相成勞來不怠師古曰謂勸勉招懷百姓也勞音郎到反來音

郎代反流民自占八萬餘口師古曰隱度名數而來附業也占音之贍

反治有異等之效師古曰異於常等其賜成爵關內

侯秩中二千石未及徵用會病卒官後詔

使丞相御史問郡國上計長吏守丞以政

令得失或對言前膠東相成偽自增加以

蒙顯賞是後俗吏多為虛名云劉放曰長吏守丞吏當

作史郡使守丞國使長史皆一物也故摠言郡國上計長史守丞後漢百官志諸侯王相如太守長史如郡丞

王成

又邊郡有丞元有長史長史上許無疑矣長史者通於令丞尉之稱與守丞連言之說不可不爾下言長史守丞同

黃霸傳

黃霸字次公淮陽陽夏人也師古曰夏音工雅反以豪

桀役使徙雲陵師古曰身為豪桀而役使鄉里人也霸少學律

令喜為吏師古曰喜謂愛好也音許吏反武帝末以待詔入

錢賞官補侍郎謁者孟康曰賞官主賞賜之官也師古曰此說非也因入

坐同產有罪劾免師古曰同產謂

錢而見賞以官。宋祁曰姚本正文刪以字

兄弟也。○宋祁曰景本無罪字。後復入穀沈黎郡補左馮翊。

二百石卒史。如淳曰三輔郡得仕用它郡人而卒史獨二百石所謂尤異者也。馮

翊以霸入財為官不署右職。師古曰輕其為人也右職高職

也。使領郡錢穀計。師古曰計謂出入之數也。簿書正以廉

稱。師古曰言無所侵隱故簿書皆正不虛謬也。察補河東均輸長。師古

曰以廉見復察廉為河南太守丞霸為人明

察內敏。師古曰內敏言心思捷疾也。又習文法

然溫良有讓足知善御眾為丞處議當於

黃霸

法合人心太守甚任之吏民愛敬焉自武

帝末用法深昭帝立幼大將軍霍光秉政

大臣爭權上官桀等與燕王謀作亂光既

誅之遂遵武帝法度以刑罰痛繩羣下繇

是俗吏上嚴酷以為能。師古曰繇讀與由同而霸獨用

寬和為名會宣帝即位民間時知百姓

苦吏急也聞霸持法平召以為廷尉正數

決疑獄廷中稱平。師古曰此廷中謂廷尉之中守宋祁曰庭當作廷下文同

丞相長安坐公卿大議庭中

師古曰大議物會

廷之

知長信少府夏戾勝非議詔書大不

敬霸阿從不舉劾皆下廷尉

師古曰勝及繫

獄當死霸因從勝受尚書獄中再隄冬

師古

曰隄與

隄同積二歲廼出語在勝傳勝出復為

諫大夫令左馮翊宋畸

宋祁曰諺引字林曰畸殘田也已奇反舉

霸賢良勝又口薦霸於上上擢霸為揚州

刺史三歲宣帝下詔曰制詔御史其以賢

黃霸

良高第揚州刺史霸為潁川太守秩比二

千石居官賜車蓋特高一丈別駕主簿車

緹油屏泥於軾前以章有德

宋祁曰景本越本自賜車蓋

止以章有德無此二十三字說文曰緹帛用黃色也他第反該案字林聲類音並同世讀者或音提

時

上垂意於治數下恩澤詔書吏不奉宣

曰不令百

太守霸為選擇良吏分部宣布詔

令師古曰分音扶問反。宋

令民咸知上意使郵

亭鄉官皆畜雞豚

師古曰郵亭書舍謂傳送文書所止處亦如今之驛館矣鄉官

者鄉所治處也以贍饑寡貧窮者然後為條教置其父

老師帥伍長班行之於民間勸以為善防

姦之意及務耕桑節用殖財種樹畜養去

食穀馬米鹽靡密初若煩碎師古曰米鹽言雜而且細然

霸精力能推行之吏民見者語次尋繹師古曰

曰繹謂指引而出也問它陰伏以相參考嘗欲有所司

察擇長年廉吏遣行屬令周密師古曰屬戒也周密不泄

陋也屬首之欲反吏出不敢舍郵亭師古曰舍止也食於道旁

續前

烏攫其肉師古曰攫搏持之也攫音厥縛反。宋祁曰攫說文曰猝也音九縛反。民

有欲詣府口言事者適見之霸與語道此

後日吏還謁霸霸見迎勞之曰甚苦食於

道旁乃為烏所盜肉吏大驚以霸具知其

起居所問豪釐不敢有所隱饒寡孤獨有

死無以葬者鄉部書言霸具為區處師古曰區處謂

分別而處置也音昌女反某所大木可以為棺某亭猪子

可以祭宋祁曰猪當作豬吏往皆如言其識事聰明

大言

如此師古曰識記也音式二反吏民不知所出師古曰不知其用何術也

咸稱神明茲人去入它郡盜賊日少霸力

行教化而後誅罰師古曰力猶勤也言先以德教化於下若有弗從然後用刑罰

也師古曰不欲易代及損傷之也務在成就全安長吏許丞老

病如淳曰許縣丞督郵白欲逐之霸曰許丞廉

吏雖老尚能拜起送迎正頗重聽何傷且

善助之母失賢者意或問其故霸曰數易

長吏送故迎新之費及茲吏緣絕簿書盜

黃霸

財物師古曰緣因也因交代之際而棄匿簿書以盜官物也公私費耗甚多

皆當出於民所易新吏又未必賢或不如

其故徒相益為亂凡治道去其泰甚者耳

霸以外寬內明得吏民心戶口歲增治為

天下第一徵守京兆尹秩二千石坐發民

治馳道不先以聞又發騎士詣北軍馬不

適士孟康曰關西人謂補蒲為適馬少士多不相補蒲也。宋祁曰不先以聞姚本作不先聞。蕭

該音義適適足也適音相代蕭昭音詩歷反案今漢書適字作適字注云適始歷反予謂與蕭昭音同

大行十四

効之軍與連貶秩有詔歸潁川太守官以
八百石居治如其前前後八年郡中愈治
是時鳳凰神爵數集郡國潁川尤多天子
以霸治行終長者下詔稱揚曰潁川太守
霸宣布詔令百姓鄉化師古曰鄉讀
曰嚮下亦同孝子弟
第貞婦順孫日以衆多田者讓畔道不拾
遺養視鰥寡贍助貧窮獄或八年亡重罪
囚吏民鄉于教化興於行誼可謂賢人君

黃霸

子矣書不云乎股肱良哉師古曰虞書益稷
之辭已解於上其

賜爵關內侯黃金百斤秩中二千石而潁

川孝弟有行義民三老力田皆以差賜爵

及帛後數月徵霸為太子太傅遷御史大

夫五鳳三年○宋祁曰晏
本三作二代邴吉為丞相封

建成侯食邑六百戶霸材長於治民及為

丞相總綱紀號令風采不及丙魏于定國

功名損於治郡時京兆尹張敞舍鶡雀飛

集丞相府

蘇林曰今虎賁所著鷓也師古曰蘇說非也此鷓音芬字本作鷓此通用耳鷓雀大

而色青出羌中非武賁所著也武賁鷓者色黑出上黨以其關死不止故用其尾飾武臣首云今時俗人所謂鷓雀者也音易

非此鷓雀也

霸以為神雀議欲以聞

音義曰

傳云京兆尹張敞舍鷓雀飛集丞相府霸以為神雀議欲以聞顏師古曰此鷓音介字當作鷓此通用耳鷓雀

大而色青出羌中非武賁所戴鷓也今官本介字誤作芬并鷓字鷓亦音芬是鳥聚貌非鳥名也予見徐鍇本

亦如此改定。宋祁曰徐鍇改芬為芬鷓為鷓案許慎說文鷓音古拜反說曰鳥似鷓而色青出羌中與師古

所引符合徐改為允鷓乃是鳥聚貌非鳥名今從之敞奏霸曰竊見丞相

請與中二千石博士雜問郡國上計長吏

黃霸

○宋祁曰史當作史

守丞為民興利除害成大化條其

對有耕者讓畔男女異路道不拾遺及舉

孝子弟第貞婦者為一輩先上殿

師古曰丞相所坐屋

也古者屋之高嚴通呼為殿不必官中也。○宋祁曰景本無第第字舉而不知其人

數者次之不為條教者在後叩頭謝丞相

○宋祁曰邵本無後字當作在後

雖口不言而心欲其為之也

長吏守丞對

○宋祁曰吏當作史下文上計長吏同

時臣敞舍有

鷓雀飛止丞相府屋上丞相以下見者數

百人邊吏多知鷓鴣雀者問之皆陽不知丞相圖議上奏師古曰圖謀也曰臣問上計長吏守丞以興化條師古曰凡言條者二而疏舉之若木條然皇天報下神雀後知從臣敬舍來乃止郡國吏竊笑丞相仁厚有知略微信竒怪也昔汲黯為淮陽守辭去之官謂大行李息曰御史大夫張湯懷詐阿意以傾朝廷公不早白與俱受戮矣息畏湯終不敢言後湯誅敗上聞黯

北黃霸

與息語乃抵息罪而秩黯諸侯相取其思竭忠也臣敵非敢毀丞相也誠恐羣臣莫白而長吏守丞宋祁曰吏當作史畏丞相指歸舍法令各為私教師古曰舍廢也務相增加澆淳散樸師古曰不雜為淳以水澆之則味離薄樸大質也割之則散也竝行偽貌有名亡實傾搖解怠甚者為妖師古曰懈讀曰懈假令京師先行讓畔異路道不拾遺其實云益廉貪身淫之行而以偽先天下固未可也即諸侯

大分十七

先行之偽聲軼於京師非細事也師古曰軼過也音逸

漢家承敝通變造起律令所以勸善禁姦

條貫詳備不可復加宜令貴臣明飭長吏

守丞師古曰飭讀與勅同以下類此。宋祁曰吏當作史歸告二千石舉

三老孝弟力田孝廉廉吏務得其人郡事

皆以義法令檢式師古曰檢局也音居倫反。宋祁曰郡字疑作羣字毋

得擅為條教敢挾詐偽以奸名譽者必先

受戮師古曰奸求也音干以正明好惡天子嘉納敝言

召上計吏使侍中臨飭如敝指意霸其甚慙

又樂陵侯史高以外屬舊恩侍中貴重霸

薦高可太尉天子使尚書召問霸太尉官

罷久矣丞相兼之所以偃武興文也如國

家不虞邊境有事師古曰如若也左右之臣皆將率

也夫宣明教化通達幽隱使獄無冤刑邑

無盜賊君之職也將相之官朕之任焉師古

曰言欲拜將相事自在朕也侍中樂陵侯高惟陛下臣朕

之所自親師古曰具知其新質君何越職而舉之尚書

令受丞相對霸免冠謝罪數日乃波師古曰乃得免

罪自是後不敢復有所請然自漢興言治

民吏以霸為首為丞相五歲甘露三年薨

謚曰定侯霸死後樂陵侯高竟為大司馬

師古曰史著此者亦言霸奏高為大尉適事宜也霸子思侯賞嗣為關都

尉薨子忠侯輔嗣至衛尉九卿薨子忠嗣

侯訖王莽廼絕子孫為吏二千石者五六

人始霸少為陽夏游徼師古曰游徼主徼巡盜賊者也與善

相人者共載出師古曰同乘車見一婦人相者言此

婦人當富貴不然相書不可用也霸推問

之乃其鄉里巫家女也霸即取為妻與之

終身為丞相後徙杜陵

朱邑傳

朱邑字仲卿廬江舒人也少時為舒桐鄉

嗇夫廉平不苛以愛利為行師古曰仁愛於人而安利也未

嘗嘗辱人存問者老孤寡遇之有恩所部
吏民愛敬焉遷補太守卒史舉賢良為大
司農丞遷北海太守以治行第一入為大
司農為人醇厚篤於故舊然性公正不可
交以私天子器之朝廷敬焉是時張敞為
膠東相與邑書曰明主游心太古廣延茂
士師古曰茂善也此誠忠臣竭思之時也直敞遠守
劇郡馭於繩墨師古曰直讀曰值匈臆約結固云奇

朱邑

也師古曰約屈也雖有亦安所施師古曰言在遠郡無足展效也○宋祁曰注文

舊作放姚本改作效足下以清明之德掌周稷之業師古曰

曰司農王百穀故云周稷之業猶飢者甘糟糠穰歲餘梁肉師古曰穰音穰

穰之歲穰音穰何則有亡之勢異也昔陳平雖

賢須魏倩而後進蘇林曰魏無知也韋昭曰無知字也師古曰清士之美稱

故云魏倩也而韋氏便以為無知之字非也譬猶謂級黜為級直黜豈字直乎且以下句云賴蕭公而後信亦

非何之字也韓信雖奇賴蕭公而後信師古曰信謂為君上

所信任也一說信讀曰伸得伸其材用也故事各達其時之英俊宋

大司馬

祁曰事當作士若必伊尹呂望而後薦之則此人不

因足下而進矣師古曰言能自達也邑感敬言首薦賢

士大夫多得其助者身為列卿居處儉節

祿賜以共九俟鄉黨師古曰共讀曰供家亡餘財神

爵元年卒天子憫惜下詔稱揚曰大司農

邑廉潔守節退食自公亡疆外之交束脩

之餽師古曰餽與饋同○宋祁曰亡疆景本作亡疆可謂淑人君子遭離

凶災朕甚閔之師古曰離亦遭○宋祁曰注末少也字其賜邑子黃

朱邑一

金百斤以奉其祭祀初邑病且死屬其子

師古曰屬音之欲反曰我故為桐鄉吏其民愛我必葬

我桐鄉後世子孫奉嘗我不如桐鄉民師古

曰嘗謂蒸嘗之祭及死其子葬之桐鄉西郭外民果

然共為邑起冢立祠歲時祠祭至今不絕

龔遂傳

龔遂字少卿山陽南平陽人也以明經為

官至昌邑郎中令事王賀賀動作多不正

遂為人忠厚剛毅有大節內諫爭於王外

責傳相引經義陳禍福至於涕泣蹇蹇云

已師古曰蹇蹇不阿順之意也易蹇卦曰王臣蹇蹇面刺王過王至掩耳

起走曰郎中令善媿人師古曰媿口媿字媿辱也及國中

皆畏憚焉師古曰王及國人皆憚之王嘗久與騶奴宰人

遊戲飲食賞賜亡度遂入見王涕泣鄰行

左右侍御皆出涕王曰郎中令何為哭遂

曰臣痛社稷危也願賜清閒竭愚王辟左

龔遂一

右師古曰間讀曰閑辟音關遂曰大王知膠西王所以為

亡道亡乎王曰不知也曰臣聞膠西王有

諛臣侯得王所為擬於桀紂也師古曰擬比也得以

為堯舜也王說其諂諛嘗與寢處師古曰說讀曰悅

唯得所言以至於師古曰唯用得之邪言故至云今大王親

近羣小漸漬邪惡所習存亡之機不可不

慎也臣請選郎通經術有行義者與王起

居坐則誦詩書立則習禮容宜有益王許

之遂廼選郎中張安等十人侍王居數日
王皆逐去安等久之宮中數有妖怪王以
問遂遂以為有大憂宮室將空語在昌邑
王傳會昭帝崩云子昌邑王賀嗣立官屬
皆徵入王相安樂遷長樂衛尉遂見安樂
流涕謂曰王立為天子日益驕溢諫之不
復聽今哀痛未盡師古曰謂新居喪服日與近臣飲食
作樂鬪虎豹召皮軒車九流驅馳東西所

龔遂

為諄道

師古曰諄乖也音布內反

古制寬大臣有隱退今

去不得陽狂恐知身死為世戮奈何君陛下故相宜極諫爭王即位二十七日卒以淫亂廢昌邑羣臣坐陷王於惡不道皆誅死者二百餘人唯遂與中尉王陽以數諫爭得減死髡為城旦宣帝即位久之渤海左右郡歲飢盜賊並起師古曰左右謂側近相次者二千石不能禽制上選能治者丞相御史舉遂可

用上以為勃海太守時遂年七十餘召見
形貌短小宣帝望見不副所聞心內輕焉
謂遂曰渤海廢亂朕甚憂之君欲何以息
其盜賊以稱朕意遂對曰海瀕遐遠不露
聖化師古曰嶺涯也音頻又音賓其民困於飢寒而吏不恤
故使陛下赤子盜弄陛下之兵於潢池中
耳師古曰赤子猶言初生幼小之意也潢水曰潢音黃今欲使臣勝之邪將
安之也師古曰勝謂以威力克而殺之也安謂以德化撫而安之上聞遂對甚

遂

說師古曰說讀曰悅荅曰選用賢良固欲安之也遂

曰臣聞治亂民猶治亂繩不可急也唯緩
之然後可治臣願丞相御史且無拘臣以
文法得一切便宜從事○宋祁曰便字上少以字上許焉

加賜黃金贈遣乘傳至渤海界師古曰傳音張戀反○宋

祁曰遣當作遣郡聞新太守至發兵以迎遂皆遣還

移書勅屬縣悉罷遂捕盜賊吏諸持鉏鉤

田器者皆為良民吏毋得問師古曰鉤鍊也持兵者

廼為盜賊遂單車獨行至府郡中翕然盜

賊亦皆罷師古曰罷讀曰疲言為盜賊久心亦疲厭

○劉奉世曰盜賊與劫略相隨史以為二

事故前云盜賊亦皆罷後云劫略者去兵未乃摠云盜賊於是悉平矣師古疑前未嘗言皆罷故解為疲字乃非遂功矣但如字渤海又多劫掠相隨聞遂教

令即時解散棄其兵弩而持鉤鉏盜賊於

是悉平民安土樂業遂廼開倉廩假貧民

師古曰假謂給與選用良吏尉安牧養焉遂見齊俗

奢侈好末技不田作廼躬率以儉約勸民

續遂一

務農桑令口種一樹榆百本薺五十本葱

一畦韭師古曰每一口家二母彘五雞師古曰每

此養之也民有帶持刀劔者使賣劔買牛賣刀

買犢曰何為帶牛佩犢春夏不得不趨田

畝師古曰趨讀曰趣趣嚮也秋冬課收斂益畜果實菱芡

勞來循行郡中皆有畜積師古曰菱芡也芡雞頭也勞來勸勉也畜

讀皆曰蓄芡音險勞音盧到反來音盧代反吏民皆富實獄訟止息

數年上遣使者徵遂議曹王生願從功曹

大正十五

以為王生素者酒亡節度不可使師古曰者讀曰嗜

遂不忍逆從至京師王生日飲酒不視太

守師古曰日日恒飲酒也會遂引入宮王生醉從後呼

師古曰呼音火故反曰明府且止願有所白遂還問其

故師古曰還回也王生曰天子即問君何以治渤海

君不可有所陳對宜曰皆聖主之德非小

臣之力也遂受其言既至前上果問以治

狀遂對如王生言天子說其有讓師古曰說讀曰悅

王生遂一

笑曰君安得長者之言而稱之遂因前曰

臣非知此乃臣議曹教戒臣也上以遂年

老不任公卿拜為水衡都尉議曹王生為

水衡丞以襲顯遂云水衡典上林禁苑共

張宮館師古曰共音居用反張音知亮反下亦同為宗廟取牲官職

親近上甚重之以官壽卒師古曰以壽終而卒於官也

召信臣傳

召信臣字翁卿九江壽春人也師古曰召讀曰劬。宋祁

曰劬嘗明經申科為郎出補穀陽長舉高

第遷上蔡長其治視民如子所居見稱述

超為零陵太守病歸復徵為諫大夫遷南

陽太守其治如上蔡信臣為人勤力有方

略好為民興利務在富之躬勸耕農出入

阡陌止舍離鄉亭師古曰言休息之時皆在野次稀有安居時

行視郡中水泉師古曰行音下更反開通溝瀆起水門

提闕凡數十處師古曰闕所以壅水音一曷反以廣溉灌歲歲

召信臣

增加多至三二萬頃民得其利畜積有餘師古

曰畜讀曰蓄信臣為民作均水約束師古曰言用之有次第也

刻石立於田畔以防分爭禁止嫁娶送終

奢靡務出於儉約府縣吏家子弟好游教

不以田作為事輒斥罷之甚者案其不法

以視好惡師古曰視讀曰示其化大行郡中莫不耕

稼力田百姓歸之戶口增倍盜賊獄訟衰

止吏及親愛信臣號之曰召父荊州刺史

奏信... 姓... 利郡以殷富賜黃金四
十斤遷河南太守治行常為第一復數增
秩賜金竟寧中徵為少府列於九卿奏請
上林諸離遠宮館稀幸御者勿復繕治共
張又奏省樂府黃門倡優諸戲及宮館兵
弩什器減過泰半太官園種冬生葱韭菜
茹覆以屋廡師古曰廡周室也茹音人廡反廡音舞晝夜難蘊火
待溫氣乃生師古曰難古然字蘊火蓄火也蘊音於云反信臣以為此

召信臣

皆不時之物有傷人不宜以奉供養及它
非法食物悉奏罷省費歲數千萬師古曰素所費者今
也皆省信臣年老以官卒元始四年詔書祀
百辟卿士有益於民者師古曰百辟百官蜀郡以文
翁九江以召父應詔書歲時郡二千石率
官屬行禮奉祠信臣冢而南陽亦為立祠

本參校

越本及二劉宋祕譜
異同各附於古注之下

循吏傳第五十九

